

ներ և մի քանի մեծ հաստատութիւններ և ընկերութիւններ միանան և հաւաքական ոյժերով հիմնեն մի սանատորիա 100 հոգու համար յայտնի պայմաններով:

Դժբախտաբար մեր քաղաքական ինքնավարութիւններէց հազիւ թէ կարելի լինի այդպիսի քայլեր սպասել, քանի որ նոյնիսկ մեր ամենամեծ քաղաքները (Թիֆլիսը, Բագուէն) իրանց սովորական հիւանդներին անդամ չեն կարողանում բաւարարութիւն տալ: Պէտք է յորդորել, որ հասարակութեան ունեւոր դասակարգը առատ նուիրատուութիւններով իրագործելի դարձնէ այդ վերին աստիճանի անհրաժեշտ ձեռնարկութիւնները:

Բժ. Գ. ՍԱՐԳ.

ՍՏԱՄԲՈՒՔՄԻ ԿՆՏԱՐԸ (ստամոքսի մի քանի հիւանդութիւնները), կազմեց բժ. Վ. Օրբոլսկի. մէկ պատկերով Պետերբուրգ. 1903 թ. գինն է 20 կոպ.

Այդ գրքոյկը ներկայացնում է բժ. Ա. Բուդուղեանի հրատարակութիւնների № 25: Նա կազմուած է հմուտ ձեռքով և ընթերցողին անխոփ գաղափար է տալիս թէ ստամոքսի ֆիզիոլոգիական գործունէութեան և թէ կատարի հիւանդութեան մասին, համեմատելով նրա հետ հեշտութեամբ չփոթւող ստամոքսի մի քանի ուրիշ հիւանդութիւնները:

Գրքոյկին կցուած է մի պատկեր, որը ներկայացնում է ստամոքսը, աղիքները, լեարգը և այլն:

Թարգմանութիւնը կատարուած է աջող: Գրքին կցած է բժ. Բուդուղեանի յոռաջարանը, որի մէջ բարի ցանկութիւն է յայտնուած, որ Թիֆլիսի, Բագուի և ուրիշ քաղաքային վարչութիւններ և հիմնարկութիւններ բանան նորմալ ճաշարաններ, որտեղ աղքատ դասակարգը կարողանար ստանալ լաւ անուշագոյն, նա նոյնպէս փափագ է յայտնում, որ մեղանում, ինչպէս Պետերբուրգում, հիմք դնուի այնպիսի մի հիմնարկութեան, որտեղից կարելի լինի ստանալ երեխաների համար մաքուր և լաւ կաթ:

Բժ. Գ. ՍԱՐԳ.

ՏՐԱՆՍԻՍԸ (վարակիչ աչքացաւ), փոխադրեց բժ. Ն. Տէր-Դսաջանեան, 1902 թ. Ալէքսանդրովսկ, գինն է 3 կոպ.:

Մեղանում բժշկական գիտութիւնը ժողովրդականացնող գրականութիւնը աւելի բախտաւոր է, քան միւս մասնագիտու-